



Bosnia and Herzegovina
Federation of Bosnia and Herzegovina

CANTON SARAJEVO
Ministry of Physical Planning Construction and
Environmental Protection

Broj: 05-05-3581-32/19 RA
Sarajevo, 25.03.2019. godine

SKUPŠTINA KANTONA SARAJEVO

- o v d j e -

n/r Elmedin Konaković, predsjedavajući

PREDMET: Dostava odgovora na zastupničku inicijativu – zastupnik Mirza Čelik

Zastupnik u Skupštini Kantona Sarajevo, Mirza Čelik, na Petoj Radnoj sjednici Skupštine Kantona Sarajevo, održanoj dana 27.02.2019. godine, u okviru tačke Dnevnog reda "poslanička/zastupnička pitanja, inicijative i odgovori", pokrenuo je inicijativu (zaprimljena u Ministarstvu 12.03.2019. godine), kako slijedi:

"Pokrećem inicijativu prema Ministarstvu prostornog uređenja, građenja i zaštite okoliša da iznađe sredstva u iznosu od 1.000.000 KM za utopljavanje objekta OJ Dom zdravlja Ilidža u cilju povećanje energetske efikasnosti objekta.

OBRAZLOŽENJE

Postoje mnogi razlozi zbog čega OJ Dom zdravlja Ilidža (centralni objekat) treba uvrstiti i finansirati i zbog čega treba biti prioritet u okviru projekta „Energetska efikasnost u BiH“ prije svega to je veličina objekta, broj zdravstvenih ustanova koje se nalaze u centralnom objektu ove zdravstvene ustanove, broj stanovnika kojima se pružaju zdravstvene usluge itd.

OJ Dom zdravlja Ilidža (centralni objekat) ima oko 5.000 m², a osam je zdravstvenih ustanova koje se nalaze u centralnom objektu (Centar za dijalizu - KCU Sarajevo, JU Zavod za javno zdravstvo KS, Agencija za kvalitet i akreditaciju u zdravstvu FBiH, JU Zavod za hitnu medicinsku pomoć KS, JU „Apoteke Sarajevo“, JU Zavod za medicinu rada KS, JU Zavod za zaštitu žena i materinstva KS, Specijalističko - konsultativna služba desete OJ JU Dom zdravlja Kantona Sarajevo.)

Stanovnici kojima se pružaju usluge u centralnom objektu Doma zdravlja Ilidža su prije svega žitelji Općine Ilidža njih oko 90.000, ali i stanovnici cijelog Kantona Sarajevo s obzirom na pružanje mikrobioloških usluga u JU Zavod za javno zdravstvo KS, pružanje laboratorijskih usluga hemijsko-toksikološkog laboratorija JU Zavod za medicinu rada KS ili stanovnici drugih gradova npr. Goražda koji dobivaju usluge u Centar za dijalizu - KCU Sarajevo.

Rehabilitacija centralnog objekta Doma zdravlja Ilidža u cilju povećanja energetske efikasnosti imat će za cilj smanjenje velikih toplotnih gubitaka, a glavni radovi trebaju biti vezani za izmjenu vanjske stolarije, poboljšanje termalne izolacije na vanjskim zidovima (uređenje fasade), radovi na sanaciji i termoizolaciji krovova, ugradnji termostatskih ventila kao i pumpi, ultrazvučnih mjerača utroška toplote i druge mjere, kao i hitnu izmjenu električnih vodova.

Očekivani rezultati su poboljšanje stanja te izgleda objekta, kao i smanjenje troškova u njihovom zagrijavanju i hlađenju, a unaprijedit će se i uslovi njihovog korištenja što je bitno posebno kako za zdravstvene radnike tako i za sve korisnike zdravstvene zaštite u centralnom objektu Doma zdravlja Ilidža."



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031

Sarajevo, Reisa Džemaludina Čauševića 1



ODGOVOR:

Ministarstvo prostornog uređenja, građenja i zaštite okoliša realizuje Projekat "Zeleni ekonomski razvoj" u saradnji sa UNDP-ijem od 2015. godine, a ne Projekat "Energetska efikasnost u Bosni i Hercegovini" koji se implementira putem posebne jedinice pri Federalnom ministarstvu prostornog uređenja i uključuje javne objekte samo iz oblasti zdravstva i školstva. U okviru Projekta "Zeleni ekonomski razvoj" do danas je realizovan značajan broj aktivnosti, što uključuje, između ostalog, izradu Studije energijske efikasnosti javnih objekata u KS (obuhvaćeno preko 320 javnih objekata u KS), te Akcionog plana energijske efikasnosti u javnim objektima Kantona Sarajevo, kojeg je usvojila Vlada ("Službene novine Kantona Sarajevo", br. 13/18 i 21/18) na period od tri godine, odnosno do donošenja jedinstvenog Plana energijske efikasnosti na području Kantona Sarajevo, a za čiju je pripremu nadležno Ministarstvo privrede. Takođe, u okviru Projekta do danas je okončana ili je u završnoj fazi energijska sanacija ukupno 21 javnog objekta iz sektora obrazovanja, zdravstva, kulture i sporta, rada i socijalne politike, te unutrašnjih poslova, a sredstva je obezbijedilo ovo Ministarstvo (pri čemu prevashodno mislimo na namjenska okolišna sredstva), UNDP-i putem granta, kao i ostala resorna kantonalna ministarstva, javni objekti, te općine na čijim se teritorijama nalaze javni objekti.

U izradi Akcionog plana učestvovalo je i Ministarstvo zdravstva Kantona Sarajevo, te je uloga pomenutog resora bila ključna kod predlaganja prioritetnih javnih objekata iz svoje nadležnosti. Inače, kod izbora objekata uzete su u obzir sve relevantne karakteristike istih, osigurana zastupljenost sektora, kao i smanjenje zagađenja zraka na mikrolokacijama, finansijska opravdanost, broj uposlenika i korisnika, tip energenta, uštede u energiji i emisiji CO₂, doprinos ispunjenju ciljeva i dr. Inače, javni objekti za koje je izvršena ili je u toku energijska sanacija u 2018. godini odabrani su iz pomenutog dokumenta, što će biti slučaj i u 2019. godini.

Ovim putem naglašavamo, da se objekat OJ Dom zdravlja Ilidža ne nalazi na spisku 36 javnih objekata iz Akcionog plana. Mišljenja smo da je potrebno, uz aktivan angažman i koordinaciju resornog Ministarstva zdravstva i ovog Ministarstva, pokušati iznaći sredstva iz drugih izvora, te na taj način i pozitivno odgovoriti na upućenu inicijativu. U kontekstu prethodno navedenog, otpočele su aktivnosti na dobijanju kredita od Evropske banke za obnovu i razvoj (EBRD) za projekte energijske efikasnosti javnih objekata, te je sačinjena preliminarne lista javnih objekata u kojoj je, na zahtjev ovog Ministarstva, uvršten i objekat Doma zdravlja Ilidža. Ukoliko kredit bude odobren, planirano je da se u 2020. godini otpočne sa radovima na energijskoj sanaciji velikog broja javnih objekata u Kantonu.

S poštovanjem,



Dostaviti:

- ☉ Naslov
- Stručna služba Vlade Kantona Sarajevo, ovdje
- Evidencija
- a/a



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031

Sarajevo, Reisa Džemaludina Čauševića 1

